

միևնույն ժամանակ այնպիսի եղանակներով Ռշտունեաց աշխարհում: Տաճարի բարձր գմբեթը պատած էր ոսկեայ թիթեղներով, որոնք հեռուից վառուում էին, ճաճանչներ էին արձակում արեգակի ճառագայթների առջև: Տաճարի պատերը, թե ներսից եւ թե դրսից, զարդարած էին գեղեցիկ բարձրաքանդակ պատկերներով, որոնց իմաստը ամենուրեք էր հին եւ նոր կտակարաններից: Սկսեալ Աբրահամից, Դաւթից մինչեւ Փրկչի կատարած տնօրինութիւնները, բոլոր նշանաւոր անցքերի պատկերները ճշգրտած էին քարերի վրայ: Իբրեւ շրջանակ այդ պատկերների, դրոճած էին խաղողի որթերի եւ զանազան բոյսերի հիւսածքներ, սքանչելի քանդակագործութեամբ: Կային եւ այլ զանազան նկարներ, որոնք ներկայացնում էին մենամարտութեան հանդէսներ, առիժների կռիւ, կամ թագաւորը նստած գահի վրայ, եւ շրջապատած մանկահասակ սենեկապետներով, պար եկող աղջիկներով, երաժիշտների եւ գուսանների խումբով:

Բոլորից հրաշալի էր փրկչական պատկերը, որ քանդակուած էր արեւմտեան խորանի բարձր կամարի վրայ, իսկ նրա հանդէպ, արեւելեան կամարի վրայ՝ Գագիկ թագաւորի պատկերը, գլուխը հեզութեամբ դէպի ցած խոնարհեցրած, որպէս թէ թողութիւն էր խնդրում, եւ իր հզօր բազուկների վրայ բարձած ուներ իր հիմնած տաճարը, որ նոսրում էր փրկչին:

Ահագին զանաւոր սպառնեցան տաճարի սրբութիւն-սրբութեանցը զարդարելու համար: Ոսկիապատ եւ արծաթապատ դռները սքանչելի էին: Սրբոց պատկերները դրած էին մարգարտահիւս, ականակուռ շրջանակների մէջ: Պայծառ, թանկագին անօթները եւ զանազան սպասները աչք էին շլացնում:

Արծրունեաց առաջին թագաւորի բոլոր մեծագործութիւններից մնացել էր յիշեալ տաճարը միայն, այն եւս դարերի ընթացքում շատ փոփոխութիւնների ենթարկուելով, շատ հարուածներ կրելով, կորցրել էր իր վաղեմի փառքն ու շքեղութիւնը: Միւս շէնքերի հետքերն էին միայն մնացել: Բացի ժամանակների աղետալի արհաւիրքներից, բացի թշնամու կործանիչ ձեռքից, ինքը բնութիւնը ապստամբոցաւ մեծ մարդու մեծ գործի դէմ: Ծովը, կարծես, կամեցաւ ամենել իր հին վրեժը եւ, հետըզհետէ բարձրանալով, կրկին ետ խլեց այն, ինչ որ բռնութեամբ կտրել էին իրանից: Մեծակառոյց ամբարտակը, վիթխարի շրջապարիսպը, բարձր աշտարակներն ու բուրգերը, բոլորը կորան ջրի տակ: Մեր տեսած ժամանակում հին ամրոցից մնացել էր միայն մի փոքրիկ բեկոր, ու մի մատուռի ծայրի հետ տխուր կերպով դուրս էին նայում ջրի տակից, եւ կոծուելով այիթների հետ, կարծես ողբում էին, լաց էին լինում կորցրած մեծութիւնը...